

- Jam faceret sollers arguta indagine quaerit.
1140 Solus enim Hagano fuerat suspectus, et illud
 Oscillum regis subter complexibus actum.
 Ambigerat prorsus, quae sit sententia menti
 Hostis, et an urbem vellent remeare relictam,
 Pluribus ut sociis per noctem forte coactis
1145 Primo mane parent bellum renovare nefandum?
 An soli insidias facerent propiusque laterent.
 Terret ad haec triviis ignoti silva meatus,
 Ne loca fortassis incurreret aspera spinis,
 Immo quippe feris sponsamque amitteret illis.
1150 His ita provisis exploratisque profatur
 'En quocunque modo res pergant hic recubabo,
 Donec circuiens lumen sphaera reddat amatum.
 Ne patriae fines dicat rex ille superbus
 Evasisse fuga, furis de more, per umbras.'
1155 Dixit, et ecce viam vallo praemuniit artam,
 Undique praecisis spinis simul et paliuris;
 Quo facto ad truncos sese convertit, amaro
 Cum gemitu, et cuicunque suum caput applicat, atque
 Contra orientalem prostratus corpore partem,
1160 Ac nudum retinens ensem hac cum voce precatur
 'Rerum factori, sed et omnia facta regenti,
 Nil sine permisso cuius vel denique jussu
 Constat, ago grates, qui me defendit iniquis
 Hostilis turmae telis, nec non quoque probris.

-
- 1140 suspensus I. aspera silvis I. 1142 ambierat B. I.
 1145 recreare B. 1147 terrent adhuc C. 1148 Ne A. Nec B.
 Haec C. Ac I. 1149 fehlt illis I. 1152 spera reddat A. B.
 spera reddit I. spacia redit C. 1153 ipse I. 1156 palinurus I.
 1157 amaros C. E. 1158 et circumque A. et quicunque B. cir-
 cumque C. et cuicunque I. 1160 Ac ensem nudum retinens hac
 uoce A. hac sic voce I. 1161 Verum factoris et o. f. regentis I.
 1162 iusso B. 1163 quod me C. 1164 nec non quoque rite probatis I.